



SERENISSIMO PRINCIPI
JOANNI-BRETAGNE-CAROLO-GOTHOFRIDO
DE TREMOLLIA,

TOARSENSIUM DUCI, PRINCIPI TARENTINO, LAVALLENSIUM
COMITI, BARONI DE VITRÆO, &c. PARI FRANCÆ,
COMITIORUM ARMORICÆ PRÆSIDI NATO.

*Vovet, offert & consecrat obsequentiſſimus F. GAYAT, Chirurgicis
ſtudiis addiſtus.*

THESES ANATOMICO-CHIRURGICÆ.



D ſublimem Corporis humani partium, elegantemque
ſymmetriam attendens, quis admirationem ſuam con-
tineat? quam ſtupenda tot fibrillarum artiſcioſa diſpo-
ſitio! his coeuntibus, quot exurgunt organa! quam
varia, quam vario diſſunguntur officio! alia enim veſtium, alia

2

cuneorum, Trochlearum Elaterumque vices obeunt. Quantus sit partes inter omnes consensus, quantaque concordia, adeo ut, unâ læsâ, cæteris periculum immineat, totiusque machinæ mirabilis concinnitas ruat. Patebit expositâ claviculæ fracturâ de quâ dicturi sumus, paucis de Anatomîâ præmissis.

CLAVICULÆ duo sunt ossa, in thoracis parte superiori ad utrumque latus transversè anteriùs posita.

IN unâ quâque claviculâ, corpus, extremitates, figura, substantia, situs, connexio & usus, consideranda veniunt.

CLAVICULA brachio agilitatem consiliat, versùs Thoracem ne nimis feratur impedit, & musculis quibusdam insertionem præbet.

CONTINUI solutio per instrumentum retusum in os illatum, propriè fractura dicitur: omnis ergò violentia externa, corporum gravium delapsus, cujuslibet instrumenti percussio, dum modò contundendo lædat, pro fracturarum causis habentur.

FRACTURA vel est simplex, composita vel complicata, multas præterea differentias desumit ex diverso fragmentorum ossis fracti sitû, diversâque figurâ.

MULTIS mediis dignosci possunt fracturæ, visû scilicet Taçtû; auditû &c.

MULTA fracturas sequuntur accidentia, functio ossis ut plurimum læsa, dolor, inflammatio, febris, hæmorrhagia, convulsio, gangræna, &c.

SIMPLICITAS, compositio & complicatio fracturarum prognosin constituunt.

FRACTURARUM ad curam tria necessariò requiruntur; ossis restitutio in situm naturalem, in illo sitû retentio, & calli laudabilis generatio.

FRACTURIS non parum obnoxie sunt claviculæ, tum illorum

proptèr situm transversum ; tum proptèr tenuitatem.

VEL obliquè vel transversè franguntur claviculæ , in unâ tantum aut in diversâ continuitatis parte , nonnunquam cum fragmentis à se invicem recedentibus & vicina pungentibus , hinc variæ clavicularum fracturæ.

QUOD ad causas pariter & ad signa fracturæ claviculæ attinet ; prolixitatis vitandæ causâ , ad signa causasque fracturarum in genere , revocandum satius nobis videtur.

DEDUCENDA est prognosis è diversâ fracturæ specie , & accidentium sævitiâ , periculosior fractura in obliquum , periculosissima quæ cum graviore contusione , fragmentisque à se invicem recessis.

FRACTA clavicula facilè reponitur , at in sede sua retineri , *hoc opus , hic labor.*

ÆGROTUS ritè collocandus , extensio tunc & contra extensio à ministro celebrandæ , os fractum componendum & in sede naturali , fasciarum spleniorumque ope , pro variis fracturæ speciebus , retinendum.

VINCTURA simplici , spicâ dictâ , utimur , spleniis prius impletis cavitatibus suprâ & infrâ claviculam , & his super impositò splenio longo cujus pars media sub axillâ applicatur , ita ut capita in formam litteræ X. supèr claviculam læsam se invicem decussent , quibus per actis mentilis ope brachium suspenditur.

CLAVICULÆ repositæ ne dimoveantur , de speciali instrumento in formam litteræ T. confectio quò scapulæ firmantur , & retrorsum continentur differunt. Heist. (a) & D. Lecler (b).

A reliquo osse si fragmenta recedant , carnes pungant , vel repositionem impedian , incisionis ope , si necesse habeatur , excimenda sunt , subjacentium intereà partium læsio præcavenda.

(a) Chir. p. 1. lib. 2.

(b) Chir. tom. 2. pag. 330.

4

Si sint accidentia deligationem frequenter expotentia, fasciâ ductibus figuram ∞ efformante, partemque læsam non integrè tegente, humeri retrorsum continendi sunt, dum morbus complians mediis idoneis debellatur.

Has Theses, DEO JUVANTE, & Præside LUDOVICO-ANTONIO RAVENET, Liberalium Artium & Chirurgiæ Magistro, scholarum moderatore, necnon Nosocomiorum Castrensium & Regis exercitus Chirurgo, tueri conabitur F. GAYAT Janivilleus, in alimâ Universitate Parisensi Artium Magister, necnon nupèr de præcipuis in Nosocomio Parisiensi, nuncque Illustrissimi Ducis de Tremolliâ Chirurgus.

P A R I S I I S,

IN REGIIS CHIRURGORUM SCHOLIS.

Die Veneris 28â. Junii, à sesqui-secundâ post meridiem ad septimam. Anno reparate Salutis 1754.

PRO ACTU PUBLICO

ET MAGISTERII LAUREA:

Typis FR. DELAGUETTE Chir. Collegii Typographi.